

18

BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO - OPĆINA ILIDŽA  
OPĆINSKI NAČELNIK  
SLUŽBA ZA FINANSIJE



BOSNIA AND HERZEGOVINA  
FEDERATION OF BOSNIA AND HERZEGOVINA  
SARAJEVO CANTON - MUNICIPALITY OF ILIDŽA  
MUNICIPALITY MAYOR  
FINANCE DEPARTMENT

Broj: 06-11-2393/23-6  
Ilidža, 04.05.2023. godine

Na osnovu člana 70. Zakona o javnim nabavkama („Službeni glasnik BiH“, broj 39/14 i 59/22) i Zapisnika o pregledu i ocjeni ponuda br: 06-11-2393/23-3 K od 03.05.2023. godine, Općinski načelnik donosi:

## O D L U K U

### O IZBORU NAJPOVOLJNIJEG PONUĐAČA ZA JAVNU NABAVKU BROJ 39/23 LOT 1

#### I

Prihvata se preporuka Komisije za javne nabavke za JN 39/23 LOT 1 „Nadzor na realizaciji projekta **Sanacija, rekonstrukcija i asfaltiranje saobraćajnica prvog reda na području Općine Ilidža**“ kojom se ponuda ponuđača **FM INŽENJERING d.o.o.**, Latička 14 A/2, Sarajevo proglašava najpovoljnijom.

#### II

**Ponuđač FM INŽENJERING d.o.o.** obavezan je u roku od 7 dana od dana prijema ove odluke Ugovornom organu dostaviti uvjerenja iz člana 45. stav (2) tačka a), b) c), i d) Zakona o javnim nabavkama.

#### III

Po pravosnažnosti ove odluke, ugovorni organ će pozvati izabranog ponuđača radi zaključenja ugovora kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u Tenderskoj dokumentaciji.

#### IV

Istovremeno sa dostavljanjem ove Odluke ponuđačima ista će se objaviti na web stranici Ugovornog organa.

### O b r a z l o ž e n j e

Postupak javne nabavke broj 39/23 LOT 1 „Nadzor na realizaciji projekta **Sanacija, rekonstrukcija i asfaltiranje saobraćajnica prvog reda na području Općine Ilidža**“ putem otvorenog postupka, pokrenut je Odlukom o pokretanju postupka nabavke broj: 06-11-2393/23-1 od 30.03.2023. godine. Javna nabavka objavljena je na portalu javnih nabavki brojem obavještenja 888-1-2-98-3-79/23 od 06.04.2023.godine. Ponude su blagovremeno dostavili UNIS Institut za ekologiju, zaštitu na radu i zaštitu od požara d.o.o., Srpskih ratnika 35., Pale, IPSA INSTITUT d.o.o., Put života bb, Sarajevo, SMAJIĆ-INŽENJERING d.o.o., Zaima Imomovića bb, Goražde, ARTING BH d.o.o., Nikole Šopa 9, Ilidža, FM INŽENJERING d.o.o., Latička 14 A/2, Sarajevo. Analizom ponuda utvrđeno je da su ponuđači IPSA INSTITUT d.o.o., SMAJIĆ-INŽENJERING d.o.o., ARTING BH d.o.o. i FM INŽENJERING d.o.o. ispunili uslove iz tenderske dokumentacije, odnosno da su dostavili tražene dokaze.

Ponuda ponuđača UNIS Institut za ekologiju, zaštitu na radu i zaštitu od požara d.o.o. se odbacuje iz sljedećeg razloga:

Cijena ponude navedenog ponuđača u „Obrascu za cijenu ponude“ je upisana samo brojevima, ne i slovima. Cijena je bitan element ponude, a ponuđač nije ispunio uslov iz tačke 3.5 Tenderske dokumentacije koji se tiče upisivanja cijene ponude slovima.



Imajući u vidu utvrđeno činjenično stanje i na osnovu Uputstva za pripremu modela tenderske dokumentacije i ponuda („Službeni glasnik BiH“, broj: 90/14 i 20/15), utvrđeno je da navedeni ponuđač nije postupio u skladu sa članom 14. stav (2) Uputstva kao ni u skladu sa tenderskom dokumentacijom u kojoj je propisano da se cijena ponude piše brojevima i slovima.

Navedeni ponuđač je na strani 36/37 svoje ponude dostavio potvrdu o uspješnoj realizaciji ugovora koja se odnosi na usluge rukovođenja izgradnjom i nadzor nad izvođenjem radova na izgradnji MHE MEDOŠ na rijeci Drinjači, Opština Zvornik. S obzirom da je predmet nabavke **nadzor na realizaciji projekta Sanacija, rekonstrukcija i asfaltiranje saobraćajnica prvog reda na području Općine Iliđa**, navedeni ponuđač nije ispunio uslov iz tačke 2.4.1 Tenderske dokumentacije kojom je traženo uspješno iskustvo u realizaciji ugovora čiji je karakter i kompleksnost isti ili sličan onima koji se odnose na predmet javne nabavke.

Obzirom da je za ovu javnu nabavku predviđeno provođenje e-aukcije, ugovorni organ je istu zakazao za 03.05.2023. godine.

Nakon provedene e-aukcije i kriterija „najniža cijena,“ Komisija za javne nabavke utvrdila je konačnu rang listu ponuđača:

1. **FM INŽENJERING d.o.o.**, čija cijena ponude bez PDV –a iznosi 4.481,68 KM
2. **SMAJIĆ-INŽENJERING d.o.o.**, čija cijena ponude bez PDV –a iznosi 4.500,00 KM
3. **IPSA INSTITUT d.o.o.**, čija cijena ponude bez PDV–a iznosi 5.190,00 KM
4. **ARTING d.o.o.**, čija cijena ponude bez PDV–a iznosi 11.223,28 KM

Imajući u vidu navedeno Komisija za javne nabavke je predložila općinskom načelniku donošenje odluke o izboru ponude FM INŽENJERING d.o.o. kao najpovoljnije, te je odlučeno kao u dispozitivu.

#### **POUKA O PRAVNOM LIJEKU:**

Protiv ove Odluke ponuđači imaju pravo da izjave žalbu u roku od deset dana od dana prijema odluke. Žalba se ulaže URŽ-u putem ugovornog organa u pisanoj formi direktno ili preporučenom poštanskom pošiljkom. Žalba se podnosi u tri primjeraka.



OPĆINSKI NAČELNIK

Nermin Muzur, magistar uprave

DOSTAVLJENO:

1. Ponuđačima 5x
2. Služba za finansije
3. Kabinet općinskog načelnika
4. Služba za komunalne poslove i infrastrukturu
5. Služba za zajedničke poslove (za objavu na web)
6. a/a

Izradio: Almedin M.

Kontrolisali: Nerma B.

Benjamin M.

